

Domhan

Ón Vicipéid, an chiclipéid shaor.

An tríú pláinéad amach ón ngrian sa ghrianchóras is ea an **domhan**, le tréimhse fithise 365.26 lá^[1] agus an cúigiú ceann is mó.^[2] Tá gealach amháin aige.Tógann sé 365.24 laethanta don domhan dul timpeall na gréine. Meastar gur cruthaíodh an domhan 4.54 bhilliún bliain ó shin.

Is é an t-aon áit amháin in iúil dúinn sa *chruinne* a bhfuil beatha air. Is é nó ⊕ é a shiombail.



An Domhan

Clár ábhair

Tréithe

Struchtúr an domhain

Stair agus taiscéalaíocht

Féach freisin

Tagairtí

Tréithe

Cosúil leis na pláinéid eile is na réaltaí, tá an domhan, gar do bheith ina *sféar* (trastomhas timpeall 12,800 *km*) mar thoradh ar an aomadh imtharraingteach i dtreo a láir ar gach cuid de. Tá aon *saitilít* mhór nádúrtha amháin aige, an *ghealach*.

Tá na pláinéid atá níos faide amach ón ngrian gásach den chuid is mó, ach tá an domhan soladach nó leachtach den chuid is mó, agus atmaisféar gásach timpeall air. *Nítrigin* is ocsaigin is mó atá san atmaisféar.

Tá *uisce* leachtach sna *haigéin* ar *thalamh* íseal idir na *hilchrio*cha, agus uisce soladach mar oighearchaidhpeanna ag na moil.

An t-aon phláinéad sa ghrianchóras a chothaionn an bheatha: ó fhianaise na n-*iontaisí* sna *carraige*acha, tá beatha ar domhan le 3,500 milliún bliain, beatha *dhaonna* le timpeall 6.5 milliún bliain.

Struchtúr an domhain

Tá ár dtuiscint ar struchtúr an domhain mar a leanas: I lár baill, tá croíleacán beag soladach an-te, faoi ardbrú de bharr na *gciseal* seachtrach, é déanta as *iarann* measctha le *nicil*, *sulfar* is *ocsaigin*, le trastomhas 2.5 km.

Timpeall air sin, an croíleacán leachtach de nicil is iarann leáite, ar a dtugtar magma, atá timpeall 3,500 km ar tiús.

Timpeall air sin arís tá an maintlín, atá soladach den chuid is mó, gar do 2,800 km ar tiús (tugtar neamhleanúnachas Gutenberg ar an teorainn idir croíleacán leachtach is maintlín). Taobh amuigh den mhaintlín, trasna teorann a dtugtar neamhleanúnachas Mohorovicic air, tá an screamh sheachtrach, suas le 10 km ar tiús faoi na farraigí, suas le 50 km faoi na hilchríocha.



Máthair-Chruinne agus athair atmaisféar i Veneto



Roinntear an screamh i sioma, an brat díreach os cionn an mhaintlín, timpeall 4 km ar tiús, agus sial, atá suas le 40 km ar tiús agus faoi na hilchríocha den chuid is mó. Ar deireadh, timpeall ar an domhan soladach/leachtach, tá an brat gásach, timpeall 50 km ar airde, ar a dtugtar an t-atmaisféar.

Tá an taobh istigh den mhaintlín te de bharr an fhuinnimh a fhuasclaíonn díscaoileadh leanúnach raidiseatóp fadsaolach, cosúil le potaisiam, tóiriam is úrániam. Ach ní struchtúr statach é seo ar chor ar bith. Mar shampla, is eol go bhfuil sruthanna comhiompair ar siúl sa chroíleacán leachtach, agus go dtéann siad seo an maintlín soladach a dhóthain in áiteanna len é a leá.

Snámhann blúirí ollmhóra den screamh uachtarach ina bplátaí teicteonacha, atá ag déanamh is ag athdhéanamh maintlín an domhain an t-am ar fado Gluaisní na bplátaí seo is cúis le síobghluaiseacht na nilchríoch is na feiniméin iarmharacha bolcánacht, creathanna talún, súnámaíthe, cruthú sléibhte is scoiltghleannta.

Bhí iarmhairtí ag imbhualtí astaróideach ar chodanna de dhromchla an domhain freisin.


Tá imshruthú an atmaisféir dinimiciúil, fuinnmhithe ag téamh míchothrom an phláinéid ag an ngrianradaíocht, agus suaite ag rothlú an domhain ar a ais. Léiríonn taifead na geolaíochta go raibh athruithe aeráide ar domhan go rialta thar na cianta.

Ó thaighde a rinneadh ó 2000 i leith ar thomhais íogaire ar an luasghéarú de bharr domhantarraingthe ag áiteanna éagsúla ar an domhan, fuarthas amach go n-ascalaíonn luach an luasghéaraithe seo beagán le tréimhse 3-4 uair.

Samhlaítear uaidh sin go n-ascalaíonn an croíleacán soladach síos suas ar ais rothlaithe an domhain le tréimhse den mhéid seo, rud a chuireann isteach ar an bhfórsa domhantarraingthe ar dhromchla an domhain.

Stair agus taiscéalaíocht

Táthar ag súil amach anseo níos mó tomhas a dhéanamh ag áiteanna ar fud an domhain agus na turgnaimh a dhéanamh níos íogaire fós chun níos mó eolais a dhíorthú mar gheall ar an gcroíleacán soladach, a mhéid, a mhais is a chomhshuíomh.



Ríomhtar ó fhoirmiú na gcarraigeacha gur cumadh an domhan timpeall 4,600 milliún bliain ó shin. Suas le 20,000 milliún bliain ó shin a tharla an ollphléasc is a thosaigh na bunpháirteagail ag forleathadh amach.

De réir a chéile chruinnigh páirteagail le chéile ina bpláinéid is ina réaltaí timpeall 4,600 milliún bliain ó shin. Ansin timpeall 3,500 milliún bliain ó shin tháinig algaí gorma / glasa aoncheallacha chun cinn, an chéad rud beo ar dornhan.



Bodhránacht an domhain ar an ngealach.

Féach freisin

- [Téamh domhanda](#)
- [Athrú aeráide](#)
- [Lá Idirnáisiúnta ár Máthair-Chruinne](#)
- [Daonáireamh](#)

Tagairtí

1. Hussey, Matt (2011). "Fréamh an Eolais".
2. Cogg (10 Samhain 2010). "Eureka 7-6 (<http://www.cogg.ie/wp-content/uploads/eureka-7-6.pdf>)". Dáta rochtana: 2020.

An Grianchóras



An Ghrian · [Mearcair](#) · [Véineas](#) · [an Domhan](#) · [Mars](#) · [Ceres](#) · [Iúpatar](#) · [Satarn](#) · [Úránas](#) · [Neiptiún](#) · [Plútón](#) · [Haumea](#) · [Makemake](#) · [Eris](#)

Pláinéid · **Abhacphlainéid** · **Gealacha** ([Domhanda](#) · [Marsacha](#) · [Ióbhacha](#) · [Satarnacha](#) · [Úránasacha](#) · [Neiptiúnacha](#) · [Plútónacha](#) · [Haomaeacha](#) · [Eiriosacha](#))

Reanna bheaga: [Astaróidigh](#) ([An príomhchrios](#) · [Crios Kuiper](#) · [Diosca scaipthe](#)) · [Coiméid](#) ([Scamall Hills](#) · [Scamall Oort](#)) · [Dreigeoidigh](#)



Is síol é an t-alt seo. Cuir leis (<https://ga.wikipedia.org/w/index.php?title=Domhan&action=edit>), chun cuidiú leis an Vicipéid.
Má tá alt níos forbartha le fáil i dteanga eile, is féidir leat aistriúchán Gaeilge a dhéanamh.

Aisghafa ó "<https://ga.wikipedia.org/w/index.php?title=Domhan&oldid=963926>"

Tugadh an leathanach seo cothrom le dáta an 8 Meitheamh 2020 ag 07:54.

Tá an téacs ar fáil faoi réir an [Creative Commons Attribution/Share-Alike License](#); féadann téarmaí eile a bheith i bhfeidhm sa bhreis. Féach ar [Téarmaí Úsáide](#) le sonraí a fháil.

Trádmharc cláraithe is ea Wikipedia® de chuid [Wikimedia Foundation, Inc.](#), eagraíocht neamhbhrabúis.